

حالات

شعر

على عبد الرحمن أبو سراج

تقديم

الأستاذ • الدكتور

مصطفى رجب

العلم والإيمان للنشر والتوزيع

البيانات		
عنوان الكتاب - Title		شعر حالات
المؤلف - Author		علي عبد الرحمن أبو سراج
الطبعة - Edition		الأولى .
الناشر - Publisher		العلم والإيمان للنشر والتوزيع .
عنوان الناشر Address		كفر الشيخ - دسوق - شارع الشركات ميدان المحطة . تليفون : ٠٠٢٠٤٧٢٥٥٠٣٤١ فاكس : ٠٠٢٠٤٧٢٥٦٠٢٨١
بيانات الوصف المادي	عدد الصفحات Pag.	التجليد
٦٨	مقياس النسخة Size	--
٢٤,٥ x ١٧,٥	الجلال .	
المطبعة - Printer	العامة إسكندرية.	
عنوان المطبعة -Address	اللغة العربية .	
اللغة الأصل	رقم الإيداع	
٢٠٠٨ / ٢١٠٠ م	977- 308 -175 - 3	
التقييم الدولي I.S.B.N.	2008	
تاريخ النشر - Date		

حقوق الطبع والتوزيع محفوظة

تحذير:

يحظر النشر أو النسخ أو التصوير أو الاقتباس بأى شكل

من الأشكال إلا بإذن وموافقة خطية من الناشر

إهداء

إليه أولا .. وإليه آخرا

وإليه دائما .. أبي .. معلمى

وإلى أمى وأهلى وأسرتى

وأصدقائى

وإليكم ما استطعت

على

الفهرس

الصفحة	الموضوع	م
٥	تقديم الأستاذ الدكتور مصطفى رجب١
٧	ماتحبكهاش٢
١٣	مذنب.....	.٣
٢٠	القطه السودا٤
٢٦	خطى يا موت على كل الفقرا!.....	.٥
٢٩	متهوم بالعشق.....	.٦
٣٢	إصحى من النوم.....	.٧
٣٩	واخذ على خاطرى منك !!٨
٤٦	مسألة٩
٥٠	أفكار واحده.....	.١٠
٥٣	خير..!!١١
٥٦	مستنى اموت !!.....	.١٢
٦٢	إنتبااه.....	.١٣

تقديم

الشاعر علي أبو سراج عضو نادي الأدب بمركز طما - سوهاج واحد من أكثر مبدعي القصيدة العامية تميزاً في صعيد مصر، من جيل الشباب، وقد مثل ناديه في عدد من المؤتمرات والمهرجانات الشعرية المحلية والقومية، وفاز في عدة مسابقات كبرى بمراكز متقدمة، وقد استضافته - مع غيره - في أمسيات شعرية بجامعة سوهاج وقي جمعية الثقافة من أجل التنمية بسوهاج فحاز قصب السبق بين نظرائه، ونال استحساناً وإعجاباً كبيرين من الجمهور لما تتميز به طريقة إلقاءه من تمكن وتفنن،

وقصائد علي أبو سراج - وإن كانت من القصائد قصيرة النفس مشحونة بإحساس عميق، وصدق فني عال، تمكن به شاعرنا من أن يحقق لنفسه هذه القدرة التي تفرد بها بين أقرانه على التصوير، والتقاط المفارقات، وتكثيف التعبير / وبساطة اللغة مع سلامتها، وهذا هو سر نجاحه وتألقه.

تحية لعللي أبو سراج ولديوانه الجديد (حالات)
وأتمنى له التوفيق الدائم ومزيداً من الإبداع

أ.و. مصطفى رجب

رئيس ناوي اللوب (المرئزي) بمحافظة سوهاج

ماتحبكهاش

مش طايق نفسي ...

ونفسي اتحرر منها

واعيش درءيش ... !!

أوارح

وما اجيش

لا يحوشني طريق

ولا باب ولا شيش !!

يوووو

أما انا ملعون !!

دا انا زى ما اكون

مسئول عن حال الناس

والكون

وباحاسب روى
وياقسى عليها
وتاهم نفسى بصدق ..
بزرر ..
إنى انا غلباوى ..
وسلبى دون !!
وساعات مجنون
والعجز مخلصى ضميرى يثور
يصرخ ويقول .. ما تحبكهاش ..
ما تخايلنيش !!
وانا برضه معاه !!
ماهى أوحش حاجه ..
إنك تهري دماغك فكر !!
خش الذكر ..

دندن وامشى مع الدراويش
كل ما تشغل فكرك أكثر
كل ما قلبك يحزن أكثر
كل ما يومك يوحش أكثر
كل ما تكره، عيشتك أكثر!!
من يومى وتاعبانى دماغى ..
واتألم .. آخذ فى صداغى
أتكلم ..
يتقال عدوانى !!
والاقيهم ..
قطعوا لى لسانى
دلوقت خلاص ..
تتهدى يا دنيا
ما تتهديش ..

مش ح اشغل بالي
ما تلزمينيش !!
غاية ما هناك ..
نفسى الأحزُن ما تحاصرنيش
ومعاى .. معايش
أنا اقرقش عيش
أوحّة ملح وجبنه قريش
أسرح عريان ..
أتغطى بخيش
مش مشكل ..
طول ما اسيادي تعيش
ما انا باصحى وابات
شبعان إهانات
وبكا وتلطيش

مش عايزم الدنيا دهيه

لا ونيس ..

ولا لقمة ..

ولا ميه

ولا حتى الهدمه اللي عليه

وايام وتفوت !!

يا ضمير بيموت

ما تاخذنيش ..

أنا ميت قبلك ..

ما بيديش ..

وسامحني ..

آدى حال الدنيا

معورجه

معورجه وماشيه ..

◆————◆ حالات ◆————◆

بعواجه ..

تعملش حساب

غير لخواجه !!

أنا كارهك

وأبصم بالعشره

مش عايز من وشك

حاجه !!

(ممداه إلى ولدى إسلام)

مذنب

أنا شفت فى عينيك اتهام !!

وذبحنى صوتك فى البكا

هدد كيان الريح

وزنن مهجتى

صبحت

حطام

والحق معاك ..

انما قلبى

مليان بكلام ..

ممكّن تسمع؟!

أنا عارفك

مش ح ترد عليه

ولا حتى ح تفهم منى كلام

انما

محتاج ارتاح

من إحساس بالذنب

محاصر كل ساعاتى

ومنغص عيشتى ..

وقالقنى ..

ومقلقل راحتى ..

وجنابى طول الليل تتململ ..

ماعرفتش انام

وانت يا ضحكة عمرى

بكل براءة عمرك ..

نايم !!

والفرشه بتاعتك

بتططبب على بدنك ..

تضحك ..

ف تخليني ابتسم

وابكى !!

أبكى من خوفى عليك ..

ح تقابل بكره ازى؟!

إسلام ..

مش قادر ابص ف وشك ..

التهمه اللى شايفها ف عينك ..

خلتني اشهد لك ..

غلطان ..!!

وعرفت بغلطى وندمان

أنا كنت أنانى وعميان

وجريت ورا نفسى الأماره ..

ف ظلمتك ..
جبتك بالغصب
للدنيا القاسيه الجباره !!
الدنيا اللي بتقفل بابها
ف وش الغلبان
وتسيبه يفرط براها ..
بين حيره ويأس وحرمان ..
أنا آسف ..
وف قلبي مراره
وايامى بطعم الصبار
أنا مجرم ..
إكتب .. وأتملى :
(الدنيا رحايه بتتسلى
ع الفقرا وطاحناهم .. غله

كان غرضي ف عيله و ضليله

نتشاقى و نلعب يا حليله

ويا دويك ..

ح نقول (بسم الله) ..

الدنيا خدتنا من الضله ..

ورمتنا ف نار)

إسلام ..

لو عايز تنفذ بحياتك ..

وتقضى يومينك بسلام ..

إتعلق باللى يحبوك ..

واستغنى ..

يمكن تديك

إتعفف ..

واقبض على دينك

وف حلمك ..

خليك معقول !!

إسلام ..

أنا مذنب ..

لكن .. أرجوك ..

إوعاك تلعن فى اللى جابوك

وان مت ابقى اقرا لى الفاتحه

واعدنى ما تقساش على ابوك

يابنى الله لا يسيئك ..

سامح ..

أنا أدنبت ورايح .. رايح

وح اسيبك ..

مرفوع الراس ..

إتباهى بابوك قدام الناس ..

مذنب ..
بس ان جيت للجد
عشت ايام الدفا والبرن
عمرى ما مديت إيدى لحد
ولا بصيتش فى حاجة حد ..
عشت فقير ..
وما سيبتش عار ..
عم اسلام ..
أنا خلصت كلامى معاك ..
وانت وقلبك !!
الفقر بيقطعم ظهر اللحم ..
وانا مهزوم .. مكسور .. منهار ..
لكن ..
خايف اخش النار !!

القطه السوداء

القطه السوداء طالعه ..

بتمزمز في الفيران

والحيه .. لسه حيه

بتولع الغيطان

وتسمم البهايم ..

وتبهدل النسوان

يا عالم ..

إنتبأاااااااااااااااا ..

الموت عشش علينا ..

والظلم ف منتهاه

سعرءا ولاد الذين

طاحوا في بلادنا ..

بيننا
ولا حوق فى اللى جابهم ..
لا صوم
ولا .. صلاه !!
دعوه؛ يا أهل الله
يارب .. صحينا
يارب .. نجينا
قلقان وسنين باهاتى
والنار بتزيد يوماتى
يا سيادى ..
يا ساداتى ..
ضاقت بينا البيوت
ضاقت بينا السكك
والقطة السونا ناويه ..

تدخل كل الديار
وتزيد النار.. بنار
وتاكل اللحامى ..
وتمصص العظامى
فيناك ..

يا ابو قلب حامى
تعيد لى غنواياتى
وتخلى النور يواتى ..
ع النيل ..
والأهرامات ..

دا القطه السنونا جايه
بتعدل الخرايط
وتغير المسار
وتخدر العبايط

وتحكم الحصار
وانت يا ابو قلب بارء !!
يا عرة الفرسان ..
الديا بتستحثك ..
أنطق ..
سمعها حسك ..
عيشه وأخرتها موت
قاوح ..
واصمد ..
وعارض ..
الحزن .. ظرف عارض
والفرح أولى بيينا
إنوى وربك معانا
قوم .. كسر القضبان

وفتح البيبان
سيفك .. لو كان رهينه
أيادينا سيوف فى إيدك
وأيدينا ..
مش جبانه
بكفاهه عليك إهانه
أرجوك .. عشان خاطرهما ..
ما تفرش م الميدان
القطه السونا .. بانتي ..
ف اعمل حساب م الآن
عيشه والموت آخرها ..
ما تموتش بهلوان !!
وانتي يا هاديه ورتينه
يا مبلية وحزينه

مش عايزتُ تمشى ليله
فى سكة الجديان
القطه بترُزينا ..
واحنا فى الوحل ادينا ..
متنيلين بنيله .. !!
مين قال العقل زينه ؟!
فيه أحسن م الجنان ؟!

خطى يا موت على كل الفقرا

بنعيب فى الأسياد ..

ونهاتى ..

ما احنا لساننا طويل ..

وفلاتى .. !!

والأسياد مش ممكن تقبل ..

إن عبيدهم تكمش .. تدبل !!

قولا ورايا ياليلى يا عين

إحنا شوية ناس .. ملاعين

دى الأسياد .. يا عباد .. مساكين

حطوا الخطه وراها الخطه ..

واتبلوا بينا ليوم الدين !!

والأسياد .. مش عارفه تعيش

لاجل دوانا ..
ولاجل العيش !!
دول نايمين ..
قايمين ..
قاعدين ..
على بلاوينا ..
ونطفح ايه !!
واحد (بيه) ع الشاشه امبارح ..
قال (والله كرهت حياتى) !!..
لوع الحق ..
الحق معاه ..!!
دا احنا يوماتى ..
ما يكفيننا .. طن (حراتى) !!
إحنا نموت احسن لاسيادنا

إحنا يارب ارزقنا بجلطه

خلى اسيدانا يارب تعيش

من غير غم .. ومن غير هم ..

هما أحق !!

طبعا احق !!

واحنا نعورم العيشه الزق !!

خطى يا موت على كل الفقرا ..

ما تخليش ع الكوكب .. أجرا ..

إحنا ان متنا تزول الورطه ..

إحنا عيشتنا أساسا .. غلطه !!

متهوم بالعشق

أنا صوتى اتحش ..

وعضى اتدش

وكل يومين ..

اتخبى ف جلدى ..

واكش .. اكش !!

مش عارف ..

مين قص لى الريش ؟!

ولا فين .. ؟!

ولا شايف ..

غير تنايش ..

على (بين) ..

ويقيت بالوقت ..

مهاود ..

هش ..

متهوم بالعشق ..

وقول الزير

وقالوا لى :

كسرت (كباى) النور

أقولك إيه ..؟!

إخرس ..

ما تقولش ..!!

(أصوات فى العتمه ..

حمول ع القفا

رسومات ع الوش !!

حلفان للبيه ..

يا سعادة البيه ..

التهمه صحيحه وثابته عليه !!)

وبلعت محيط إهانات ..

وخرست

ولعنت أبوكى ف سرى ..

وتعت !!

واربولى الباب

ف حبيت من جنب الحيط

وكفيت ع الحزن !!

(ماجوز) !!

إصحى من النوم

صلى على اللى ح يشفع فيك

عارفك .. فيك اللى مكفيك

بس اسمعنى الله يعافيك

مصرك.. يا صديق

بتمر بضيق

والوضع مخيف

الوضع فظيخ

خد بايدها وتقوم ..

إصحى من النوم

وان قدت بنار..

هيه تطفيك

كل بلاد الدنيا بتعلى
وتسلم لولادها الشعلة
إلا بلادنا ..
إلا ف مصر !!
الملاعين ..
بالعين ميت قصر
والفقرا ..
عصرهم .. عصر
مين فى العالم زى حالاتها
رخصت وانداست ورداتها
وأتطفى قمرها ونجماتها
وغلوسها ف كرش المفاجيع
كذبوا علينا وعلى أهالينا
لما قالوا لنا الدنيا ربيع

واتفرغوا لليل والبيع
وانت يعزتك ..
راح فين عزتك ؟
لسه مقفل ع المواضيع ؟!
ريح قلبى ورد عليه
انت يا اخينا
وحد .. صلى الوضع شنيع
طرلق ودنك للمواضيع
لا ح انظر ..
ولا اقول كلاكيع
الله يعينك
فتح عينك
واوعى لنفسك ..
إوعى تببيع

ست البلاد (العربيه)

وتعت فى إيد الحراميه

ويأيد عيالها الأعبيه

بقيت خلاص ..

لقمه طرينه

والشله وقعت فى ال (خيه)

ما بقيش فى خاطر نخلاتها

ولا حد بيحلف بحياتها ..

وأفاعى الدنيا الملعونه ..

بلعوها ..

وحلوا ..

ويلعوننا ..

هم يا قاعد على كرسيك

ياللى الهم هارينك وكاوينك

إدى الغاليه حبابى عينيك

أنا قلت لك .. ومرسينك

إوعى الأيام لا تقسينك

فقرك حجه عليك ..

مش ليك

عاجبك دا اللى بيحصل فيك !؟

فر .. وسيبك .. م التلاكيك

قول مش بايع ..

واصرخ بيها

قواها .. دى كلمه ..

حياتك فيها ..

ما تفرطش ف حقتك ..

عادى ..

وأوعى ان رحت
ترى ع الفاضى
حق ولادك ويا ولادى
يلحقوا شبرف ديل الوادى
صحح لاحسن بكر، تضيع
قول الكلمه ف وش الغول
قواها معايا ..
وافضل قول ..
قول مش بايع ..
قول ..
عليها ..
واعدل بيها ال ..
مش معدول
قواها رصاصه

حالات

ف و ش الساسه

سمع أسوان ..

واسطنبول

واخذ على خاطري منك !!

قلبك .. ذهب صافى

شواف ..

عفيف ..

دافى ..

مخلوق رائع ..

خرافى ..

ما يوفيكش الكلام ..

واخذ على خاطري منك ..

وانا عارفك ..

غصب عنك

لكن ..

زعلان لإنك

ح تسيبنا للآلام ..

معقول .. خلاص مشيت

طب ذمه ودين ..

رضيت

دا انا لما عرفت ..

جيت ..

أقول .. خليك .. حرام

يا فرح ماشى .. وسايبنا

للحزن .. يستفرء بينا

عارفينه قدرك ..

ونصيبنا

الدمع يفضل ..

يرازينا ..

بتحبنا ..
واحنا نحبك ..
وتحس بينا ..
وينحسك ..
ومن الطيايه اللي ف قلبك
بنغنى دايمًا ..
على حسك
ياما وقفت معانا بجد ..
بالجدعنه ..
وبحكمه تهد ..
مهما يجيلك من أقاويل ..
بتشوفها بحنيه وود ..
دايمًا ..
واقف جنب الحق

صامد ..

جامد ..

واعر ..

صلد ..

قلبك واضح ..

زى الظهر

ما يهمكش لا بير ..

ولا بحر ..

وامتحانات الدنيا الدايمة

بتخوضها ..

وبتقوى عليها ..

تهزمها ..

وتعلم فيها ..

تطلع ناجح ..

وتعديها ..

ما بتمشيش ويا التيار

ممکن ..

تتحرش بالنار .. !!

لاجل العدل

ولاجل الخير

وادی شهايدك ..

حلوه وبيضا ..

إنت ما جيبتش فيها اصفار

والناس أهه ..

جايه تبارك

وبحضن قلبك

تتبارك ..

يارب يا حنين .. بارك

للى يخلى العتمه نهار
وانا جاي اقول ..
ألفين مبروك !!
وادوس على قلبى
عشانك ..
مبروك ..
لكن من ورا قلبى
قلبى اللى موصل
فى حبالك ..
يا والدنا ..
يا أعلى مرنبى ..
يارب يصلح احوالك
لكن السؤال اللى تاعينى ..
وأكيد بيخطر على بالك ..

◆————◆ حالات ◆————◆

إزى ح تقدر تفارقنا ..

وتفر ..

من حضن عيالك ؟

مسألة

٥٧

٢٤ ×

—

٢٢٨

١١٤

—

١٣٦٨

ياااااااااااا ..ألف ..

تلتميه تمانيه وستين ساعه !!

وما اشوفكيش ؟!

معقول ؟

وبيقينا ٦/١٨ .. معقول ؟

مش قايله لى ..

غير الموت ما يحوشنيش عنك ؟

طب إيه ؟

نتيجة الحيط كدابه ؟

ولا انت اللي تعلمت الكذب ؟

أبدا ..

عمرك ما كدبت عليه !!

طب قلبى اللي بيحسب غيبتك ..

غلطان ؟

أبدا ..

واحسبها لك ..

أنا آخر مره قابلتك فيها ..

٢٢ أبريل

من يومها ..

وانا حالتى تصعب ع الكافر

فينك ؟

دا انا كنت ح اعادى الدنيا

عشانك ..

وآخذك نضب عن عين الكون

فينك ؟

دا انا دوخت عليكى

وحياة غيبتك عنى ..

لفيت وحفيت

وسألت عليكى ما خليت

حتى اسألى طوب الأرض

محتار وخلاص

قربت اتجن

اللى تغيب المده دهيه ..

ما تسألش ..

٥٧ يوم .. ما تباننش

تبقى إيه ؟!

أنا عايزك تشهدى على ربحك !

المسألة حلها واضح

وانا قلت لنفسى ..

لازم ماتت

ونويت اقرا الفاتحه عليكى

الفاتحه

.. .. .

أفكار واحده

راجع من شغلك مهود

بتخانىق دبان وشك

+ إنك ..

ما نمتش كويس

ليلة امبارح ..

ومعشم نفسك ..

ترتاح فى سريرك للصبح !!

ولقيتها

- بكامل هيئتها -

مستنياك

- واقع م الجوع

صورى الزفت

عربيّات شرطه ودم وإسعاف
وعيال مفزوعه ونسوان
وبيوت ع الارض
إستأّت ..
- الأكل ح يبرء
واقفه لك - بكامل هيئتها -
بتبيح أخبار!!
مش بيت صابر
إتخانقوا مع بيت فرحات
موضوع ..
ما يعديش بالساهل ..
والبت الغلبانه ام مطوع ..
طلقها الندل
الراجل جاب لك وصل النور

- نفسى تسدت

شيلى الأكل ..

- مش ح تريح ؟

حاجه غريبه !!

هيه معاك

بتفكر برضه

ف نفس اللحظه

ترتاح فى سريرك ..

للصبح !!

خير..!!

السنه دى بتمشى .. فعلا ..

وديسمير ..

بيلم هدومه ..

- كالعاده -

ح اقولك غورى ..

- إلهى ما ترجعى -

ويناير ..

جايب سنته الجايه

وجاى يتنطط

كاوى البفته ما حدش

مالى عينيه

إيه اللى معاه ..

ما اعرفش ..

إنما - كالعاده -

ح اعشم نفسى ..

واقولها .. خير!!

ولوانى ..

- فى قرارة نفسى -

خايف منه بجد

لا مجايبه تكون زى قريبه

أو ..

ما يجيبش مجايب .. أصلا

وينزنى ..

لعاشر أرض !!

والاقى رضى ..

لما ييجى ديسمير

حالات

أقولك غورى ..

- إلهى ما ترجعى -

ويجبنى يناير

تانى أعشم نفسى ..

واقولها .. خير .. !! !!

مستنى اموت !!

من غير ما حد يموت

ويحكى اللى شافه

مستنى اموت

الدنيا ..

زى اللى تكون

مخلوقه - لناس .. ناس -

إنت - مثلا -

(بلاش)

أنا - مثلا - مش قادر اعيشها

ولا عارف استمتع بحياتى !!

مع إنى باحب الناس والمغنى

ولعب الكوره

وصوت (عباسط) ..

وياحب خضار قلب الاطفال

بس الظاهر

- والله أعلم -

كل الحاجات دى

اتغيرت دلوقت !!

إتطفى اللون

والنور

والشمس

وبقيت خل !!

حتى العيد اللي بييجى

م السنه للسنه ..

ما استنيتهاوش ..

غير بس عشان ..

حثة لحمه بتيجى ف صبحيته ثواب
دا انا شكل سنانى نسيته
وطعم الشاى المغلى
وحلقى مرار
ولقيت نفسى
- من غير ما اقصد خالص -
باتسحب بهدوء
وف أبعد ركن ف حيطة الدنيا..
باتفرج !!
ما عرفتش اعلم فيها
- الموت أهون -
يوءوءه ..
يلعن ابوه الشعر
ان كان شوفنى اكرم اللازم

وان كان ح يجيب لى الضغط
من يوم ما بلانى الله بقولته
ونازل هتش !!
إتسرق العمر وأخرتها ..
صلحت الكون ؟
طب إيه اللي انا خدته
من (قلع صحابه)
غير حرق الدم ؟!
وحلفت عليه - الله يقيده -
ولا حوقش معاه حلفان
ولازق لى
- زى العمل الرنى -
ما عرفتش افر بجلدى
مستننى اموت

واتفرج على حال الناس ..
من فوق
يمكن ابطال
أقسى على نفسى
يمكن بعد العمر دا كله ارتاح
واقدر اكون اللي ما كنتوش
واتخلص ..
من هم الهدمه
وهم اللقمه
وان شفت الفقر بعينى
ارميه بالطوب !!
واكشف كل مقالب الدنيا البايخه
ما الوضع ساعتها ح يتغير
وح اقول كل اللي ف نفسى

◆ حالات ◆

وأزعق ..

وأرفض ..

وأفلسف ..!!

ما انا إيدى فى الميه البارده

وح اتحجج

بالموت !!

إنتباه

إصحى ..

ما تهبلش ..

فكر ..

إنتباه !!

إنت بتلاعب كبير

محترف فى مستواه

إوعى تغلط

إوعى .. حاسب

دورنا ماشى لمنتهاه

نقلتين والدورح يخلص

كش ملك .. تعمل إيه ؟

أنا رأيى انك تسلم !

يا ابني أصلام البدايه
إنت ليه بتلعب معايا
وانت مش من مستوايا
يا ابني خلص .. يا للاسلم !!
فين جيوشك .. ؟
فين دفاعك .. ؟
لسه فاكر الدور بتاعك ؟
بص .. هيه نص ثانيه ..
يبقى مات !!
برضه ح تكمل يا بارد .. وتلاعبنى ؟!
إنت يا حتة بتاع !!
ياللاسلم ..
واعتبر الدور دا ضاع
ياللا يا ابني ..

عندى لعب فى حته تانيه
ليه تلاعبنى وانت خايف
هيه كشه ..
وانت عارف ..
آدى ايه ..
مش وعدتك ؟
كش .. مات !!
قوم خلاص الدور (فنش)
اللى بعده !!
مين يا عالم يملا عينى
مين ؟ ..
مافيش ؟ ..
الدماغ دى كمبيوتر
والتخين ما يهمنيش ..

حد له نفس يلاعبنى ؟

إنت ؟ ..

قوم !!

ياللا سلم !!

إوعى تغلط ..

إوعى .. حاسب

دورنا منقول ع الهوا ..

ياللا سلم !!

إنت مش شفت الدمار

همه يا ابنى نقلتين

وا لملك .. مش محمى خالص !!

ح اغلبك ويـ (نابليون)

خطه مكشوفه وقديمه

بس برضه ح اغلبك

إنت باصص فین یا اخینا

بص – کتلتک وزیرک – !!

یاللا سلم

فین عساکرک ..

فین حصانک

وادی طایبه کتتهالک ..

کش ملک ..

یاللا سلم ..

وادی فیل .. وعسکرین

کش تانی ..

بص .. اهه .. مات الملك !!

قوم خلاص .. ح تموت وراه ؟

إنتباه ..

تانی دور برضک (فنش) !!

مين عليه الدور يا عالم
مين يا عالم يملا عيني؟
مين .. ؟
يا عالم
نقلتين والدورح يخلص
ياالله سلم..
ياالله سلم..
ياالله سلم..